

consecuti, ut ad eandem ipsam praeclarissimam rem conficendam nihil nobis relinqueretur difficultatis, nihilque negotii, ut media honesta pacis huiusmodi amplecterentur, persuadere nequivimus: processimusque tandem ad ejusdem pacis conclusionem, locum relinquentes eisdem venetis, ut si vellent possent pacem ipsam honestis conditionibus amplecti, eisque scripsimus paterna charitate causas, non minus justas quam necessarias, quae nos pro totius Italiae rei publicae christianae incolumitate ad pacem componendam impellebant, hortantes eos, ut eandem susciperent et a bello abstinere, ac occupata restituerent, obtulimusque eis omnem illorum et ducis ferrariensis controversiam justitia mediante sopire. Ipsi vero responsivas litteras dederunt longe aliter scriptas quam legere speraremus, ferrariense bellum variis fucantes coloribus, quae ideo nos molestia doloreque summo affecerunt: quia mentem animumque eorum a pace ac societate quam publicam in Italia conficere statueramus, alienum esse, eosque vehementer id abhorrere significarunt. Et quamquam statuisse bellum prosequi velle sic aperte nobis scripsissent: decrevimus eos adhuc aliis nostris litteris ad pacem amplectendam, bellumque ferrariense deserendum invitare et assumptos per eos colores in id negando confutare, eosque paterna, ut semper fecimus, charitate monuimus, ut accuratius ad ea omnia quae scribebamus animum ex religione converterent, nec eos dominandi libido e ratione deduceret. Nam et si victoriam in manibus haberent, ut eorum ad nos litteris affirmabant, eo major honos et laus eis foret, si communem pacem omnibus aliis postpositis amplecterentur. Contra vero si bellum prosequerentur, uti decrevisse statuissetque affirmabant, eos scire debere se bellum gerere cum Christo Jesu Deo nostro et ejus sancta Ecclesia, pro ejus honore et defensione Ferrariae rebus omnibus divinis et humanis adesse curaremus, gererentque bellum etiam cum reliquis Italiae potentatibus, qui Ecclesiam Dei et Italiam ipsam per eosdem labefactare non sicerent, haberentque quoque